

***Don Bosco:***  
***ha'u bele***  
***deskobre***  
***buat ne'ebé***  
***Maromak***  
***mehi mai***  
***ha'u?***







*Don Bosco:*  
**Moris īda  
marka ho mehi .**




*Ho tinan 9, ha'u iha  
mehi ida ne'ebé hela  
profundamente iha ha'u  
nia hanoin no marka ha'u  
nia moris tomak...*

Ha'u hare hanesan ha'u besik uma ida, iha fatin luan boot, labarik sira barak halibur malu no joga. Balun hamnasa, balun fali trata aat malu. Rona hirak ne'ebé ko'alia aat malu, ha'u soe kedes ha'u-nia an iha sira nia klaran, hahú tuku malu ho sira atu halo sira taka ibun.



Iha momentu ne'e mosu Mane ida, hatais furak. Nia  
bolu ha'u-nia naran hodi dehan:

-La'ós ho ó-nia kbiit tomak, maibé ho laran-maus no  
karidade ó sei manan labarik sira ne'e.



Ha'u hakfodak no konfuzaun hodi husu ba Nia:

- "Maibé ha'u halo oinsá?" Nia hatan:

- ha'u sei haraik Mestra ida ba o. - Mane ne'e dehan -  
Ho Ninja gia ó sei sai matenek.

Iha momentu ne'e kedes,  
ha'u haree besik Nia  
hamriik Señora hatais mutin  
ho ninia mantu ne'ebé  
nabilan hanesan loron.

Ha'u sai konfuzaun liután,  
ha'u hakbesik ha'u an ba  
Nia,

Nia kaer ha'u nia liman ho  
hakarak boot.



- Haree! - Nia dehan mai  
ha'u.

Labarik hirak ne'e nakfilak  
ba bibi-malae.

-Ida ne'e mak ó-nia  
misaun,  
iha ne'e mak ó tenke  
serbisu.

Sai haraik-an, forte no iha  
kbiit: nune'e mak ó bele  
halo ba ha'u nia oan sira  
ne'e.



Nia dehan tiha  
liafuan hirak ne'e  
mai ha'u no ha'u  
hakfodak hodi  
hadeer kedes.

Buat hotu lakon  
husi ha'u-nia  
matan.



Iha dadeer ha'u haktuir  
mehi ne'e ba ha'u-nia  
maun sira, sira hamnasa  
loos  
ba mehi ne'ebé  
ha'u konta.

Depois ha'u  
haktuir ba ha'u  
nia inan no avó-  
feto. Sira ida-  
idak fó sira-nia  
interpretasaun.



Ha'u nunka haluha mehi ne'e iha ha'u nia moris tomak.

Ha'u nia Inan  
dehan: "se mak mak  
hatene, abanbairua  
ó sai padre karik?".  
maibé ha'u nia avó-  
feto dehan: "Keta  
preokupa ba mehi  
ne'e".

Ha'u fiar ba buat  
ne'ebé ha'u nia avó  
dehan .

Tinan barak tuir mai, mehi ne'e  
marka nafatin iha ha'u nia  
hanoin.



Giovanni komprende kedas katak  
Na'i hatudu hela dalan.



## Pergunta atu reflete:

1. Hanesan DB ha'u mós iha mehi ?

.....  
.....

1. Ha'u mehi saida ba ha'u-nia moris?

*(Joven ida idak hakerek surat ba Jezús hodi haktuir ba Jezús ninia  
mehi ba futuru, hakarak sai saida iha futuru: religoza, padre, kaben,  
doutor/a, polisia no seluk-seluk tan iha sura-tahan ida; hafoin sei  
ba tau iha kaixa postál/korreiu ne 'ebé Madre prepara ona iha Krús  
okos).*